



Philosophie, Ethik für Sek II

Filosofix

2. La nav da Theseus

2:41 Minuten

- 00:05** Ti guardas tscha e là fotografias da pli baud. Co il temp passa. Qua pon ins propi dumandar: Sun jau anc la medema persuna sco quella giada? Co poss jau restar mamez, sche jau ma mid gea trasora? Tar questa dumonda datti in famus gieu da patratgs filosofic. L'istorgia cumenza en la Grezia.
- 00:30** Poss jau preschentar? Quai è Theseus. Theseus è in erox detg enconuschent da la mitologia greca ed in mariner talentà. Savens è el mais e mais en viadi. El resista a gronds orcans e dumogna inqual monster marin.
- 00:47** Natiralmain laschan las turbulenzas sin la mar fastizs. Theseus sto dar sia nav vaira savens en il doc al maister spezialisà. Quel remplazza il necessari. In pèr aissas èn novas, la nav è dentant restada la medema. Ella è navigabla sco adina.
- 01:07** Però – betg ditg. Cun ils onns sto vegnir remplazzà adina dapli, fin che la nav da Theseus consista in di mo pli da parts novas. Suentar tut las midadas: Èsi anc la medema bartga?
- 01:22** T'immaginescha ch'il maister haja l'idea da construir ina nav cun las parts veglias, remplazzadas.
- 01:30** Datti lura duas navs da Theseus?
- 01:34** Tgenina è la gista: la nova u la veglia, reconstruida? Tuttas duas? U nagina?
- 01:45** Tar l'uman n'èsi betg auter: Cun il temp sa mida noss corp sco la nav da Theseus. Il pli tard suenter set onns èn tut nossas cellas remplazzadas.
- 01:56** Er nossas valurs, ideas ed interess èn sa midads. D'uffant levas ti esser in astronaut e filar tras l'univers – daventà es ti però in birolist.
- 02:12** Nus vesain bain ora auter che pli baud e nus patratgain auter – tuttina vala: Jau sun anc adina la persuna d'antruras. Malgrà tut las midadas: Jau sun l'original.
- Tge ans dat pia nossa identitad? Pertge restain nus ils medems, malgrà tut las midadas?